


LA QUOTIDIANA

FMR Fundaziun Medias Rumantschas, Via da Masans 2, 7000 Cuiru, 081 544 89 11, redacziun@fmr.ch



Filmets per 600 onns Ligia Grischa a Trun

Filmets producids da Beat Manetsch duain far gust sin ils arranschaments da festa vegnenta. **Pagina 4**



Meds d'instrucziun han in brav retard

Per instruir tenor Plan d'instrucziun 21 mancan a las scolas popularas meds d'instrucziun rumantschs. **Pagina 2**



GRISCHUN CENTRAL

En li per veiver, abitar e far vacanzas

Seu sa preschainta Beiva scu li turistic an varsaquants onns? Gist chegl è stada la dumonda, dalla quala purtaders digl turissem e persungas externas èn sa fatschentadas igl davos onn. Var 100 persungas èn alloura sa radunadas venderde passo ainten la sala polivalenta da Beiva per tadlar agls emprems resultats. Igl facit: Beiva duess davantar anc daple en li per veiver, abitar e per far vacanzas ed i detta numnadamaing quatter camps igl savessan averir la pi gronda influenza sen en svilup turistic positiv digl li: spazi d'abitar per indigens ed ampluias, letgs gòds durant igl antier onn, rinforzar igl turissem da stad e las aventuras da stad e migliurar la collaboraziun tranter igls purtaders digl turissem. Ossa duess scumanzar la fasa da realizaziun digls resultats. (fmr/gns/sab) **Pagina 8**

SURSELVA

Toni Vinzens duei suandar Donat Nay



La Surselva Romantscha ha nominau sù president Toni Vinzens (dretg) sco niev suprastont e sù actuar Linus Livers (sen) sco niev suppleant da suprastonza dalla Lia Rumantscha. FOTO MARTIN CABALZAR

A sia radunonza generala il venderdis sera en casa da scola a Sevegin ha la Surselva Romantscha nominau sù president Toni Vinzens sco candidat per la suprastonza dalla Lia Rumantscha (LR). El duei remplazzar Donat Nay che sto sererter suenter nov onns pervia dalla limita dil temps d'uffeci. Sco suppleant dalla suprastonza dalla LR vegn Linus Livers proponius. Suenter la radunonza generala ei vegniu menau ina discussiun al podi davart il tema «Romantsch sursilvan: Quo vadis?». Separicipai a quella discussiun moderada da Linus Livers ein la linguista Marietta Cathomas Manetsch, la scolasta Michael Hohl ed il schurnalista Hans Huonder. Els constateschan ch'il romantsch sursilvan s'adattescha al temps. (fmr/mc) **Pagina 5**

ENGIADINA

Test suot circumstanzas extremas

L'Auto da Posta ha il bôt da rimplazzar tuot la flotta fin da l'on 2040 cun bus electrificats. Sùls tragets tanter Cuoira e Bogn Ragaz sun fingià plü lönch in acziun e-bus e las experienzas fin uossa muossan cha quels funcziuna sainza problems. Ma siond cha la raic grischuna spordscha amo divers traget plü pretensius co i'ls contuorns da Cuoira, ha l'Auto da Posta Grischun fat principi da marz ün test da pilot illa Val Müstair. Ün e-bus da la plü nouva generaziun ha dürant desch dis rimplazzà tanter Müstair e'l territori da skis Minschuns ün veicul da diesel, chid' es normalmaing in gir sün quist traget. Tenor l'Auto da Posta as tratta d'ün dals plü pretensius tragets i'l chantun e perquai d'eira quel eir optimal pel test. La diitta es fich cuntainta d'avair testà il bus, chid' haja persvas sün quasi tuot il traget, pigliond oura sùls ultims 50 meters. (fmr/cam) **Pagina 7**

Il luf procura per dapli lavur

Sin fundament da novas incumbensas, tranter auter pertutgant il management dal luf, tschertga l'Uffizi da chatscha e pestga dal chantun Grischun ulteriur persunal. En quatter regiuns vegnan stgaffidas novas piazzas da guardiaselvaschina.

HANS HUONDER/FMR

«Cun la revisiun da l'ordinaziun da chatscha ha il Cussegl federal era stgaffi la basa per la regulaziun da lufs. Dad exequir las disposiziuns fixadas en la lescha da chatscha revedida è per il Grischun dapi il december passà ina gronda lavur supplementara», scriva il substitut dal manader da l'Uffizi da chatscha e pestga dal chantun Grischun, Marcel Michel sin dumonda da la FMR. Per ademplier ils pensums da la regulaziun, ma era dal management dals animals da rapina gronds, sto il dumber da collavuraturas

«Ils ultims onns èn vegnidas surdadas a l'uffizi adina dapli novas incumbensas.»

Marcel Michel, Uffizi da chatscha e pestga dal chantun Grischun

e collavuraturas da l'uffizi vegnir augmentà da 82 sin 86 piazzas. En ils districts da chatscha Valposchiavo, Rain Anteriur, Glogn e Plaun-Plessur-Tschintg Vitgs vegnan engaschads ulteriurs guardiaselvaschina. La lavur supplementara che l'uffizi ha per il management e la reduziun da spezias protegidas sco per exempel il luf, vegn finanziada cun daners da taglia e cun contribuziuns federalas. «Ils ultims onns èn vegnidas surdadas a l'uffizi adina dapli novas incumbensas ecologicas en il sector da la protecziun da las spezias e dals biotops», di Marcel Michel. **Pagina 3**

«Tgi so, forsa cuschigna eneda pulenta cun soccas.»

Ininteressanta tschavera para la columnista Zegna Pitter-Dosch da prender en mira! – Pagina 12



Ell'enzenna dalla crusch

Cull'jamna songta – en direcziun Pastgas – entscheiva era l'jamna dallas cruschs. Igl ei il simbol cristian, perquei che Jesus era vegnius pendius vid la crusch. Biaras cruschs stattan sper vias e vid casas en territori catolics. Specialmein en Surselva e Surmir dat ei era ina liunga tradiziun da cruschs-fossa da fier sin santeris. In dils fravis da cruschs ei Damian Camenisch da Surcasti. El discurs culla FMR tradescha el contas uras ch'el impunda per realisar ina crusch-fossa: denter 25 e 50 uras. (fmr) **Pagina 6**



Servetsch d'abunents e da distribuziun: tel. 0844 226 226 mail: abo@somedia.ch